

**Weichbild magdeburski w układzie śląsko-małopolskim.****Wersja sandomierska**

Rękopis Biblioteki Narodowej BOZ 90, k. 64v–65

Odczyt: Maciej Mikuła

Artykuł 99 [Gn. 100]

[99] De sculteto, si aliquem impedierit in sua querela. Capitulum C sequitur

<LCXX<sup>a</sup>> Nunc attendatis super eo, si scultetus aliquem impedierit in sua querela et sibi iudisticiam [s] non fecerit, et hoc sibi in iuste recusat. Si pro eo coram castellano aut advocatione impulsatus fuerit, cum testibus evadere oportet. Qualicumque testimonio super iudicem querulatum fuerit, tali ipsum iudicem evadere oportebit, sive sint scabini aut alii astantes [k. 65] iudicio. Sin autem hoc coram iudicio bannito actum fuerit, tunc melius vinci potest testibus iure, quam ipse testibus evadere possit. Quando querimonia super ipsum coram advocatione fuerit pro hac causa, pro eo respondere tenetur sine mora, ita quod sibi sit iudicium banitum, quam ipsum oportet ibi esse presentem, nisi legale impedimentum ipsum occupaverit. Quod impedimentum statim probare oportet. Si autem hoc non ostenderit et non nominaverit, et hoc per iusticiam facere denegaverit se excusare de sua iniuria, quam exercuit, et se exhibere ad iusticiam [debet], extunc condemnatur ab advocatione in decem talentis idem advocatus et illi suum debitum, de quo denegaverit, facere iusticiam, et medio quo illa [s] non solvit solus, aut se iure excusaverit iudicio proximo, tunc nullus iudex esse potest, nisi ex hac culpa exemitur [s], secundum ut est promissum. Sin autem pro facto criminali, pro quo iudicium facere recusavit, sicut pro vulneribus aut homicidio, aut furto, aut spolio, aut ecclesie violencia, aut incendium [s], aut hiis similia [s], que crimina capitalia tanguntur, idem iudicium super ipsum, quod super illum ire debuit, pro eo nec recompensam, nec aliquid [l] facere potest, si in his vincitur, ut iuris est. Si aut[em] vir unus pro debito in captivitatem publicam presentatus fuerit ad tenendum iure, si ipsum amiserit aut si evaserit absque sua culpa aut negligencia pro crimine, quod transit ad collum, pro eo solvat integram recompensam. Si aut[em] pro manu, tunc mediam solvit recompensam et hoc ipsum iuramento probare oportet tacto sacramento, si sibi parcere voluerit, quod ipsum absque omni sua culpa amiserit. <LCxxxvii<sup>a</sup>> Integra recompensa facit decem et octo talenta, media recompensa facit novem talenta.

<sup>a</sup> na marginesie

[hasła: sołtys, skarga, sprawiedliwość, przestępstwo sądowe, uwolnienie od skargi, ławnik, sędzia, odpowiedzialność, przeszkoda, świadek, wójt, skazanie, dług, wina, przestępstwo, kradzież, zranienie, zabójstwo, podpalenie, kara śmierci, zapłata, wynagrodzenie, przysięga, kościół]